



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Croesvs Et Codrvs. hoc est, Copiæ Et Inopiæ Damna vel
Lvcra, à bono iustoq[ue] Mundi Governatore Deo
Distribvta**

Stengel, Georg

Ingolstadij, 1648

§. 3. Ex Aristidæ aliorumq[ue] sententia paupertatem diuitijs antistare.

[urn:nbn:de:hbz:466:1-52359](https://nbn-resolving.org/urn:nbn:de:hbz:466:1-52359)

ipſi egenos vltro adirent, ad cœnam roga-
rent, nimirum vt illis oftendere poſſent le-
ctos, menſas, ac pocula. Quarum rerum
nulla ſit vtilitas, ſi ſine teſte poſſideantur.
Certè hæc talia pleraque à diuitibus paupe-
rum cauſſa parari, non vt vtantur ipſi, ſed
vti ea pauperes admirentur. Hucusque Sa-
turnus apud Lucianum ad pauperes, qui
hanc addit denique coronidem: *Hæc ad con-
ſolandos vos ſcribo vtramque vitam cognitam
habens. Conuenitq̄ ita feſtum agere, vt cogite-
tis, omnibus breui decedendum è vita, & illis
depoſitis opibus, & vobis relicta paupertate.*

§. III.

*Ex Ariſtida aliorumq̄ ſententia paupertatem
diuitijs antiſtare.*

His talibus argumentis ſolabantur pau-
peres philoſophi fabulantes, eademque erat
ratio, vt opinor, Ariſtidæ, qui multò iuſtius
ſe paupertate gloriari poſſe credidit, quàm
Calliam Athenienſium ducem opum ampli-
tudine & copia: nemini eam rem indeco-
ram eſſe dictitans, niſi qui paupertatem in-
uitus ferret. Nemo profectò ſapiens vel
alij ſuaderet, vel ipſe diuitias abijceret, niſi
manifeſtò videret, pauperibus melius eſſe,
quàm Midis illis, quibus dum omnia in au-
rum

rum vertuntur, esuriunt & sitim patiuntur. Neque enim aut pro vino, aut pro culina, audent nummos expendere. Itaque & alij sapientes, vt diuitijs demerent supercilium, paupertatem permulcere maluerunt. *Pute- mus nos ad concionem vocatos, ait Seneca. Lex de abolendis diuitijs fertur, his interroga- tionibus suasuri, aut dissuasuri sumus? his effe- Eturi, vt populus Romanus paupertatem, fun- damentum, & caussam imperij sui requirat ac laudet? diuitias autem suas timeat? vt cogitet has se apud victos reperisse? Hinc ambitum, & largitiones, & tumultus in urbem sanctissimam temperantissimamq; irrupisse? nimis luxuriosè ostentari gentium spolia? quòd vnus populus eri- puerit omnibus, faciliùs vni ab omnibus eripi posse? Hac satius est suadere, & expugnare affe- ctus, non circumscribere.*

Senec. epl
87.

§. IV.

Paupertas libertatis socia.

Eâdem viâ homines duxit idem philoso- phus ad veram libertatem, cùm scriberet: *Quidquid facere te potest bonum, tecum est. Quid tibi opus est, vt sis bonus? velle. Quid an- tem melius potes velle, quàm eripere te huic ser- uituti, qua omnes premit, quam mancipia quoq; conditionis extrema, & in his sordibus nata,*

Idem epi
80.

D 4

omni